

## **TERMA DAN SYARAT YANG MENGAWAL KEMPEN PB GOLDEN FORTUNE 2020**

Kempen PB Golden Fortune 2020 (“Kempen ini”) dilancarkan oleh Public Bank Berhad [6463-H] (“PBB”). Terma dan Syarat yang berikut mengawal Kempen ini yang ditawarkan kepada Peserta yang Layak, seperti yang ditakrifkan selepas ini:-

### **1. Butir-butir Kempen**

- 1.1 Kempen ini akan berlangsung dari **1 Disember 2019 sehingga 29 Februari 2020**, termasuk kedua-dua tarikh (“Tempoh Kempen”).
- 1.2 Kempen ini dijalankan di semua cawangan PBB di Malaysia.

### **2. Kelayakan**

- 2.1 Kempen ini terbuka kepada semua pelanggan PBB baharu dan sedia ada (“Peserta yang Layak”).
- 2.2 Kempen ini terbuka kepada pelanggan individu berumur 18 tahun dan ke atas pada waktu penyertaan (pemegang akaun peribadi atau bersama, termasuk akaun bagi pihak).
- 2.3 Peserta yang Layak bagi akaun bagi pihak ialah nama ibu atau bapa/penjaga yang sah yang pertama tercatat dalam rekod PBB / Public Islamic Bank Berhad (PIBB).
- 2.4 Pelanggan yang berikut **TIDAK** layak untuk mengambil bahagian dalam Kempen ini:-
  - a) Kakitangan tetap dan/atau kontrak Kumpulan Public Bank (termasuk subsidiari dan/atau syarikat-syarikat yang berkaitan dengannya) dan ahli keluarga mereka yang terdekat (iaitu suami atau isteri, anak-anak dan ibu bapa).
  - b) Bukan individu (iaitu akaun keempunyaan tunggal, perkongsian, entiti korporat, persatuan, kelab, sekolah dan pertubuhan).
- 2.5 Deposit/Pelaburan yang dibuat di bawah Kempen ini tidak boleh dan dilarang untuk diuntukkan atau digunakan bagi kempen lain yang dijalankan serentak semasa Tempoh Kempen, atau lanjutan daripadanya, termasuk tetapi tidak terhad pada Kempen “PowerInvest Fixed Deposit” dan Kempen “PB Premier High Yield Fixed Deposit”.

- 2.6 Amaun deposit Akaun Semasa/Simpanan (CASA) untuk diuntukkan di bawah Kempen ini mestilah dana baharu. “**Dana baharu**” merujuk dana yang bukannya daripada dana sedia ada yang disimpan dalam mana-mana akaun deposit Peserta yang Layak dengan PBB atau PIBB.
- 2.7 Sumber dana baharu yang boleh diterima adalah seperti yang berikut:-
- a) Tunai yang diterima daripada sumber luar;
  - b) Prosid yang diterima daripada pendebitan suatu akaun (dengan syarat sumber dana adalah dana baharu yang didepositkan dalam akaun berkenaan);
  - c) Prosid daripada Cek Sendiri daripada pihak ke-3;
  - d) Prosid daripada Cek Tempatan; dan/atau
  - e) Prosid daripada Pindahan Telegraf (TT) / GIRO Antara Bank (IBG) / RENTAS daripada bank-bank lain.
- 2.8 Dalam tempoh tujuh (7) hari kalendar selepas dana baharu itu dipindahkan kepada PBB dalam mana deposit tersebut disimpan, Peserta yang Layak mesti mengunjungi cawangan pemegang akaun untuk memaklumkan kepada cawangan itu mengenai pindahan tersebut dan membenarkan PBB untuk menguntukkan amaun deposit itu dan / atau melaksanakan peletakkan berkenaan.
- 2.9 Deposit/Pelaburan yang dibuat melalui cek tertakluk pada penjelasan cek dan akan hanya dianggap sebagai deposit/pelaburan oleh Peserta yang Layak selepas cek tersebut dibayar atau dijelaskan dan akan hanya dianggap laku jika tidak dipulangkan sebagai cek tak laku dan untukkan akan berkuat kuasa apabila fasal ini dipenuhi.
- 2.10 Kempen ini tidak sah dengan promosi produk lain yang ditawarkan serentak oleh PBB.

### 3. Ciri-ciri Kempen

#### 3.1 Produk yang Layak

- Dana Unit Amanah (UA) Siri PB, semua Dana Ekuiti/Berimbang/Aset Bercampur
- PB Smart Link (PBSL) [Pelan Insurans Berkaitan Pelaburan Premium Tunggal]
- PB ExcelLink-i (PBE-i) [Pelan Takaful Berkaitan Pelaburan Caruman Tunggal yang patuh Syariah]
- CASA\*

#### Akaun Simpanan

- Akaun Simpanan PLUS
- Akaun Simpanan Basic
- Akaun Simpanan 50 PLUS
- Akaun Simpanan Basic 55
- Akaun PB SaveLink
- Akaun Simpanan PB MySalary
- Akaun Simpanan PB UnionPay

#### Akaun Semasa

- Akaun Semasa PLUS
- Akaun Semasa Basic
- Akaun ACE
- Akaun Premier ACE
- Akaun PB CurrentLink
- Akaun Semasa Basic 55

\*Dilindungi oleh Perbadanan Insurans Deposit Malaysia setakat RM250,000 bagi setiap pendeposit.

- Untuk mengambil bahagian dalam Kempen ini, Peserta yang Layak mesti memenuhi kriteria minimum yang berikut:-

Jenis Hadiah	Produk yang Layak	Akaun Pelaburan/ Pelaburan Premium Tunggal/ Pelaburan Caruman Tunggal	Peletakkan Baharu dalam CASA
Skrol Dengan 8 Ekor Kuda Emas Bersadur Emas 24K	UA/PBSL/ PBE-i	RM 128,000	RM4,000  (Diuntukkan selama 4 bulan)
Teko Porselin Berukiran Corak Ikan Emas		RM 88,000	
Cawan/Piring/Sudu Porselin Berukiran Corak Ikan Emas		RM 68,000	
Burung Phoenix Pembawa Tuah Bersalut Emas 24K		RM 38,000	

- Peserta yang Layak yang melabur dalam UA atau PBSL atau PBE-i mestilah salah seorang pemegang akaun CASA bagi akaun bagi pihak.

- 3.4 Sekiranya UA dibatalkan semasa “tempoh bertenang” berkenaan, Peserta yang Layak tidak layak untuk mengambil bahagian dalam Kempen ini dan tidak layak untuk mendapat Hadiah.

“Tempoh bertenang” bagi UA itu ditakrifkan seperti yang berikut:-

- a) Tempoh selama enam (6) hari perniagaan mulai dari tarikh penerimaan borang permohonan dan pembayaran.
- b) Hanya diterima pakai sekali sahaja untuk mana-mana Peserta yang Layak yang membuat pelaburan buat pertama kali dalam mana-mana UA dengan Public Mutual Berhad (PMB). Hak bertenang tidak diterima pakai bagi apa-apa pelaburan berikutnya dalam UA dengan PMB oleh Peserta yang Layak yang sama.
- c) Bagi mereka yang menggunakan hak bertenangnya, mereka akan menerima bayaran balik sepenuhnya bagi pelaburan yang dibayar dalam tempoh sepuluh (10) hari dari penerimaan notis bertenang oleh PMB.

- 3.5 Jika PBSL dibatalkan dalam “tempoh percubaan” yang berkenaan, Peserta yang Layak tidak layak untuk menyertai Kempen ini dan tidak layak untuk mendapat Hadiah.

“Tempoh percubaan” bagi PBSL itu ditakrifkan seperti yang berikut:

- a) Peserta yang Layak mempunyai hak untuk membatalkan polisi PBSL (Polisi) dengan memberi notis bertulis dan mengembalikan polisi ini kepada AIA Bhd. AIA Bhd. akan membayar balik kepada Peserta yang Layak Nilai Dana yang ditubuhkan pada Tarikh Penilaian sebaik selepas tarikh notis itu diterima dan diluluskan oleh AIA Bhd., bersama-sama dengan Caj Premium dan Caj Polisi yang telah ditolak, tolak apa-apa perbelanjaan yang mungkin ditanggung bagi pemeriksaan perubatan.
- b) Notis itu hendaklah ditandatangani oleh Peserta yang Layak dan diterima secara langsung oleh AIA Bhd. dalam tempoh lima belas (15) hari selepas Peserta yang Layak menerima Polisi.

- 3.6 Jika PBE-i dibatalkan dalam “tempoh percubaan” yang berkenaan, Peserta yang Layak tidak layak untuk menyertai Kempen ini dan tidak layak untuk mendapat Hadiah.

“Tempoh percubaan” bagi PBE-i itu ditakrifkan seperti yang berikut:

Peserta yang layak mempunyai hak untuk membatalkan Sijil PBE-i (Sijil) ini dalam tempoh 15 hari tempoh percubaan selepas Peserta yang layak menerima Sijil ini dengan memberi notis bertulis dan mengembalikan Sijil ini kepada AIA PUBLIC. Untuk pembatalan Sijil dalam tempoh percubaan, AIA PUBLIC akan membayar balik kepada Peserta yang layak Nilai Akaun yang wujud pada Tarikh Penilaian sebaik selepas tarikh notis itu diterima dan diluluskan oleh AIA

- PUBLIC, setelah ditolak jumlah yuran Wakalah, yuran Sijil, Caj Perkhidmatan Bulanan dan Tabarru' dan dikurangkan ke atas sebarang perbelanjaan yang mungkin telah ditanggung bagi sebarang pemeriksaan perubahan.
- 3.7 Pelaburan dalam Skim Persaraan Swasta (PRS) dan pelaburan yang dibuat menggunakan dana daripada Kumpulan Wang Simpanan Pekerja (KWSP) dikecualikan daripada menyertai Kempen ini dan tidak layak untuk mendapat Hadiah.
  - 3.8 Semua urusan niaga dalam talian bagi UA dikecualikan daripada mengambil bahagian dalam Kempen ini dan tidak layak untuk mendapat hadiah.
  - 3.9 Amaun peletakkan minimum dan keperluan untukkan yang diterima pakai bagi CASA ditetapkan dalam fasal 3.2. Amaun peletakkan minimum hendaklah menjadi kriteria minimum seperti yang ditetapkan dalam fasal 3.2 atau keperluan membuka akaun, mana yang lebih tinggi.
  - 3.10 Penukaran CASA yang Tidak Layak kepada CASA yang Layak semasa Tempoh Kempen tidak melayakkan penyertaan dalam Kempen.
  - 3.11 Apa-apa CASA yang dirangkaikan kepada kemudahan kredit / pinjaman/ pembiayaan tidak layak untuk penyertaan dalam Kempen ini.
  - 3.12 Peserta yang Layak mesti memenuhi keperluan pelan yang ditetapkan dalam cawangan PBB yang sama dalam tempoh 5 hari bekerja.
  - 3.13 Peserta yang Layak dibenarkan untuk mengambil satu atau beberapa pelan seperti yang dinyatakan dalam Fasal 3.2 selagi beliau memenuhi kriteria yang melayakkannya untuk pelan berkenaan.
  - 3.14 Peserta yang Layak (termasuk semua pemegang akaun bersama yang lain, bagi Akaun Bersama) perlu menandatangani “Kempen PB Golden Fortune 2020 - Surat untuk Pengeluaran Awal (LEU)” sekiranya beliau ingin membuat pengeluaran awal daripada CASA yang diuntukkan di bawah Kempen ini.
  - 3.15 Peserta yang Layak (termasuk semua pemegang akaun bersama yang lain, bagi Akaun Bersama) perlu menandatangani “Kempen PB Golden Fortune 2020 - Surat untuk Menguntungkan/Indemniti (LEI)” bagi tujuan untuk mengambil bahagian dalam Kempen ini dan layak untuk mendapat Hadiah.
  - 3.16 Pelan yang disertai di bawah Kempen ini oleh Peserta yang Layak yang direkodkan oleh PBB adalah muktamad dan konklusif.

#### 4. **Hadiah**

- 4.1 Selepas syarat-syarat Kempen dipenuhi seperti yang ditetapkan dalam Terma dan Syarat ini, Peserta yang Layak layak untuk mendapat Hadiah.
- 4.2 Hadiah akan diberi **atas dasar siapa cepat, dia dapat, sementara stok masih ada**. Bank tidak akan menggantikan atau menambah Hadiah apabila stok yang sedia ada telah habis.
- 4.3 Hadiah tidak boleh dipindah milik, tidak boleh dirundingi dan tidak boleh ditukar dengan tunai, kredit atau barang, sebahagiannya atau sepenuhnya. Hadiah yang ditawarkan dalam Kempen ini tidak termasuk apa-apa aksesori atau barang-barang yang ditunjukkan dalam mana-mana iklan dan/atau bahan promosi kerana ia hanyalah untuk tujuan ilustrasi sahaja.
- 4.4 Peserta yang Layak bertanggungjawab untuk membayar apa-apa cukai, kos sampingan dan/atau caj lain berkaitan dengan Hadiah berkenaan. PBB tidak boleh dipertanggungjawabkan bagi apa-apa cukai, kos sampingan, caj dan/atau kerosakan ke atas mana-mana Hadiah dan/atau kegagalan ejen/ pembekal/pengedarnya untuk membekalkan Hadiah.

#### 5. **Pengambilan Hadiah**

- 5.1 Peserta yang Layak hanya boleh mengambil Hadiahnya daripada cawangan yang berkenaan dari mana beliau mendaftar untuk pelan itu.
- 5.2 Bagi Pelan UA:
  - a) Hadiah hanya boleh diambil selepas tempoh bertenang UA.
  - b) Untuk mengambil Hadiah tersebut, Peserta yang Layak perlu membawa bersama-sama dokumen yang berikut atau maklumat bagi pengesahan cawangan selepas tempoh bertenang UA itu dipenuhi:
    - i) KP asal
    - ii) No. Akaun UA
    - iii) No. Akaun CASA
- 5.3 Bagi Pelan PBSL / PBE-i:
  - a) Hadiah hanya boleh diambil selepas tempoh percubaan PBSL/ PBE-i.
  - b) Untuk mengambil Hadiah, Peserta yang Layak perlu membawa bersama-sama dokumen atau maklumat yang berikut untuk pengesahan cawangan apabila tempoh percubaan PBSL/PBE-i dipenuhi:
    - i) KP Asal
    - ii) No. Polisi PBSL / No. Sijil PBE-i
    - iii) No. Akaun CASA

- 5.4 Hadiah mesti diambil oleh Peserta yang Layak dalam tempoh 30 hari kalendar selepas Peserta yang Layak dimaklumkan oleh PBB mengenai pengambilan Hadiah tersebut, Jika tidak, Peserta yang Layak akan dianggap sebagai telah hilang kelayakan untuk mendapat Hadiah tersebut dan tidak lagi boleh membuat tuntutan untuk Hadiah berkenaan.

## **6. Liabiliti dan Tanggungjawab**

- 6.1 PBB TIDAK akan bertanggungjawab dalam apa juga cara, atas apa-apa kejadian yang diakibatkan oleh bencana alam, peperangan, rusuhan, mogok, sekat masuk kerja, tindakan perusahaan, kebakaran, banjir, kemarau, ribut, apa juga gangguan teknikal atau sistem, campur tangan manusia tanpa kebenaran dan kesilapan elektronik atau manusia dalam pengendalian dan pemprosesan Kempen ini.
- 6.2 PBB tidak akan dipertanggungjawabkan, sama ada secara langsung atau tidak langsung, atas apa-apa kehilangan dan kerosakan atau apa juga sekalipun yang dialami oleh Peserta yang Layak yang diakibatkan secara langsung atau tidak langsung, sepenuhnya atau sebahagian, berikutan penyertaan mereka dalam Kempen tersebut dan/atau Hadiah berkenaan.
- 6.3 PBB menolak apa-apa liabiliti, tanggungjawab atau kewajipan berkaitan dengan Hadiah. PBB tidak membuat representasi berkenaan dengan Hadiah tersebut terutamanya terhadap kualiti, kebolehdagangan atau kesesuaian untuk menggunakannya.
- 6.4 Apa-apa risiko kehilangan atau kerosakan kepada Hadiah tersebut akan berpindah kepada Peserta yang Layak selepas Hadiah tersebut dihantar kepada Peserta yang Layak. PBB tidak boleh dipertanggungjawabkan bagi atau berkewajipan untuk mengakui atau menggantikan mana-mana Hadiah yang mempunyai kecacatan, hilang, rosak atau dicuri.

## **7. Hak PBB**

- 7.1 PBB boleh meminda, memotong dan/atau membuat penambahan pada Terma dan Syarat lain dari semasa ke semasa dengan sekurang-kurangnya dua puluh satu (21) hari kalendar sebelum notis diletakkan dalam laman web PBB atau melalui kaedah komunikasi lain yang yang diluluskan dan pindaan, pemotongan dan penambahan tersebut akan berkuat kuasa pada tarikh yang akan ditentukan oleh PBB. Dengan terus mengambil bahagian dalam Kempen ini, Peserta yang Layak dianggap bersetuju untuk terikat dengan pindaan, potongan atau penambahan Terma dan Syarat seumpama itu seperti yang dinyatakan di atas.

## 8. Lain-lain

- 8.1 Dengan mengambil bahagian dalam Kempen ini, Peserta yang Layak:-
- a) bersetuju bahawa terma dan syarat ini akan diguna pakai bersama-sama dengan Peraturan-peraturan yang mengawal pembukaan dan pengendalian UA (bagi Dana Ekuiti, Berimbang dan Aset Bercampur Siri PB sahaja), PBSL, PBE-i dan CASA dengan PBB, yang sesalinannya telah diberi kepada Peserta yang Layak;
  - b) bersetuju dan membenarkan maklumat berkenaan dengan UA (Dana Ekuiti, Berimbang dan Aset Bercampur Siri PB sahaja), PBSL, PBE-i dan CASA beliau boleh diproses, dikumpul, digunakan dan disimpan oleh PBB bagi tujuan Kempen ini; dan
  - c) bersetuju bahawa keputusan PBB adalah muktamad.
- 8.2 Untuk meneliti Notis Kerahsiaan PBB mengenai bagaimana PBB menggunakan maklumat anda atau sekiranya anda ingin menerima maklumat mengenai produk dan perkhidmatan termasuk tawaran promosi dan bahan pemasaran Bank dan syarikat gabungannya, sila layari [www.pbebank.com.my](http://www.pbebank.com.my) atau mana-mana cawangan PBB.

\*\*\*\*\*  
Halaman Selebihnya pada Muka surat ini Sengaja Dibiarkan Kosong  
\*\*\*\*\*